

Comité-Schnitzelbänke

Alt Nussknagger

Fastnacht 1929



Flohn-Kosagge

1. Als Flohn-Kosagge sin mir gho
O. M. het d'Fiehrig iberho
Gän mir Konzert isch d'Bude voll
Und alles duet wie doll.
Drum hän mir jetz Jreisverbot
Kal Delfel uns in d'Schwiz me lot
Doch d'Russe finde glatt der Rank
Wenn au als Schnitzelbank.
2. E Kinschtler-Elend, s'isch e Schand
Herscht jetz in unserm Schwizerland
Dass mängge fascht Kreppiere duet
Bringt uns verdammt in d'Wuet.
Bim Volgg zieht wohri Kunscht hit nimm
Nur no der Schmutz und Selchgilmbimm
E'n offne Buff, ihr wurde g'seh
Hät kei frei Plätzll meh.
3. E Rosekavalier isch Trumpf
Im Hirni het O. M. e Sumpf
Sunscht hätt. är in der Solidut
Nit klaut das Rosechrut.
D'Frau Räbegärtner isch blamiert
Mit g'stohlne Rose dekoriert
Vilicht schribt gli e Komponischt
E'n Oper „Rosemischt“.
4. Der Bummihugi isch verruggt
Si Schnurremääss sig falsch abdruggt
Im Pass schtieng, s'Muul, das sig normal
Fir ihn wär das fatal.
Vor Gricht machsch jedesmol e Gschrai
Bim schwarze „Max“ koscht's drissig Schtal
B'halt nur di Rueh, reg di nit uff
Mir hän di Määss do druff.
5. Um's goldig Kalb was wit no meh
Het Krach die ganzi Heilsarmee
Um zwanzig Millione Pfund
Schlehn die sich d'Schnurre wund.
Isch im e Dorf der Muni z'alt
Macht me nit lang, ersetzt en bald
Die Schooffhänd mit und ohni Rogg
Will au e bess're Bogg.
6. E Buremarsch isch g'si nach Bärn
Terror, o nai, das lit is färn
Mir wänn nur bess'ri Fleischpris ha
Drumm ruggt der Lauer a.
Der Bundesrot, der Musy schiggt
Dä grinsend uf die Rammel bliggt
Er sait, schad, d'Saffa isch verbl
Dert isch's Fleisch billig g'si.
7. E B'soldigsg'setz, es isch e Gruus
Macht z'Bärn me dert im Bundeshus
Nach obe, die gross Keile schepft
Derfir me n'unde schrepft.
Packträger git's Klass eins und zwei
S'git jo au Dräggpack zweierlei
Doch gosch uf Bärn, so kasch persee
Kal Zweitklass-Dubel g'seh.

Schlussobe vo de Comité-Schnitzelbänk
Sunntig der 24. Februar z'obe am siebeni im
Musiksaal.

Kemmet Alll, es isch immer sauglunge.